



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-297-14/22**

Datum: **22.11.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „MUJANOVIĆI“ d.o.o. Vogošća za donošenje rješenja o vodnoj dozvoli za ispuštanje tehnoloških otpadnih voda sa lokacije objekata klaonice krupne i sitne stoke i primarne obrade mesa, izgrađene u naselju Kobilja Glava, općina Vogošća, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „MUJANOVIĆI“ d.o.o. Vogošća, daje se vodna dozvola za ispuštanje tehnoloških otpadnih voda sa lokacije objekata klaonice krupne i sitne stoke i primarne obrade mesa, izgrađene u naselju Kobilja Glava, općina Vogošća, na zemljištu označenom kao k.č. broj: 716/2 K.O. Kobilja Glava (novi premjer), općina Vogošća.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „MUJANOVIĆI“ d.o.o. Vogošća, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja stoke, pranjem opreme, uređaja i alata, te pranjem podova i radnih površina objekata na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u roku od 6 (šest) mjeseci od izdavanja ovog rješenja izvrše radovi u skladu sa Glavnim projektom prikupljanja, tretmana i ispuštanja tehnoloških otpadnih voda kompleksa klaonice zanatskog tipa na lokaciji Kobilja Glava, Vogošća, urađenog od strane „ES HYDROTECHNICS“ d.o.o. Sarajevo, septembar 2022 godine. Prije izvođenja radova izvršiti izmjenu u projektu na način da se ispuštanje prečišćenih tehnoloških otpadnih voda vrši u lokalni kanalizacioni kolektor i predvidi izgradnja monitoring okna.
 - 3.3. Da se u roku od 6 (šest) mjeseci od izdavanja ovog rješenja izgradi okno za monitoring, iza uređaja za tretman tehnoloških otpadnih voda.
 - 3.4. Čišćenje septičke jame, te odvoz i konačno zbrinjavanje istih, kao i ostalog otpada sa lokacije predmetne klaonice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisija otpadnih voda utvrđene u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispustima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).

- 3.7. Otpad koji nastaje u postupku rada klaonice sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.8. Da se privremeno i konačno zbrinjavanje otpada i nusprodukata koji nastaju u postupku rada klaonice, vrši u skladu sa Zakonom o veterinarstvu i podzakonskim aktima kojima se propisuje način postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.9. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
- 3.10. Da se animalni/klaonički otpad koji nastaje u procesu klanja i obrade mesa redovno odstranjuje iz proizvodnog procesa, odlaže u kontejnere propisane za tu vrstu otpada i u saradnji sa ovlaštenom institucijom odvozi i zbrinjava u skladu sa važećim propisima a prema ugovoru sklopljenom sa istom.
- 3.11. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.12. Da se kod pranja koriste sredstva koja su prikladna okolinskim zahtjevima.
- 3.13. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.14. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.15. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.16. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 17. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.
13. Ukoliko nosilac prava iz ove vodne dozvole u toku važenja iste, a u skladu sa propisanom dinamikom realizacije ne ispuní uslove propisane u tački 3.2. dispozitiva ovog rješenja i ne zadovolji propisane kriterijume koji se odnose na parametre kvaliteta tehnoloških otpadnih voda navedenih u **tački 3.5.** dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

Obrazloženje

Pravno lice „MUJANOVIĆI“ d.o.o. Vogošća, zahtjevom bez broja od 13.06.2022 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije objekata klaonice krupne i sitne stoke i primarne obrade mesa, izgrađene u naselju Kobilja Glava, općina Vogošća, na zemljištu označenom kao k.č. broj: 716/2 K.O. Kobilja Glava (novi premjer), općina Vogošća.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama upisa u sudski registar broj: 065-0-Reg-19-005318 od 22.11.2019. godine, od strane Općinskog suda u Sarjevu –ovjerena kopija,
- Uvjerjenje o poreznoj registraciji izdato 15.10.2002.godine od strane Porezne uprave – Kantonalni ured Sarajevo-ovjerena kopija,
- Kopija uplatnice administrativne takse,
- Rješenje o upotrebi broj: 05-23-600/04 od 29.11.2004. godine izdato od strane Službe za urbanizam, prostorno planiranje, komunalne poslove i građenje, Općina Vogošća,
- Rješenje o građenju broj: 05-23-104/08 od 01.02.2008. godine izdato od strane Službe za urbanizam, prostorno planiranje, građenje, imovinsko pravne i stambene poslove, Općina Vogošća,
- Rješenje o građenju broj: 05-23-454/03 od 09.04.2003. godine izdato od strane Službe za urbanizam, prostorno planiranje, komunalne poslove i građenje, Općina Vogošća,
- Rješenje o urbanističkoj saglasnosti broj: 05-23-403/03 od 07.04.2003. godine izdato od strane Službe za urbanizam, prostorno planiranje, komunalne poslove i građenje, Općina Vogošća,
- Rješenje o naknadnoj urbanističkoj saglasnosti broj: 05-23-650/07 od 23.11.2007. godine izdato od strane Službe za urbanizam, prostorno planiranje, građenje, imovinsko pravne i stambene poslove
- Izvještaj o monitoringu kvaliteta i kvantiteta otpadnih voda broj: IV-130-A11/21, urađen od strane „DVOKUT PRO“ d.o.o. Sarajevo, maj 2021. godine,
- Rješenje o vodnoj dozvoli broj: UP-I/25-3-40-225-5/17 od 13.06.2017. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: 07-06-25-15024/16 od 09.01.2017 godine izdato od strane Ministarstva privrede Kantona Sarajevo,
- Zahtjev za izdavanje saglasnosti od 21.09.2022 godine upućen KJKP „Vodovod i kanalizacija“ d.o.o. Sarajevo,
- Potvrda o izgrađenoj lokalnoj kanalizacionoj mreži broj: 07-19-5816/22 od 14.10.2022 godine izdata od strane Službe za komunalne poslove, Općina Vogošća,

B. Tehnička dokumentacija

- Glavni projekat –klaonica sa preadom mesa urađen od strane „ENCO“ d.o.o. Sarajevo, decembar 2007 godine,
- Glavni projekat prikupljanja, tretmana i ispuštanja tehnoloških otpadnih voda kompleksa klaonice zanatskog tipa na lokaciji Kobilja Glava, Vogošća, urađen od strane „ES HYDROTECHNICS“ d.o.o. Sarajevo, septembar 2022 godine.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 16.06.2022. konstatovano je da je podnosilac zahtjeva uredan obveznik plaćanja posebnih vodnih naknada.

Na osnovu obaveze iz tačke 3.1. Rješenja o vodnoj dozvoli broj: UP-I/25-3-40-225-5/17 od 13.06.2017 godine izdato od ove Agencije aktom broj: UP-1/21-3-40-297-4/22 od 30.06.2022. godine zatraženo je od podnosioca zahtjeva da dostavi sljedeće:

-Investiciono tehničku dokumentaciju – Projekat izvedenog stanja prikupljanja, tretmana i ispuštanja tehnoloških otpadnih voda koje nastaju na predmetnoj lokaciji. Investiciono-tehnička dokumentacija treba biti urađena od strane pravnog lica koji ima ovlaštenje pribavljeno od strane Federalnog ministarstva poljoprivrede, vodoprivrede i šumarstva (lista „A“), i da obradi sva pitanja koja su bitna za konkretan slučaj.

-Saglasnost za priključak na gradski kanalizacioni sistem sa uslovima ispuštanja tehnoloških otpadnih voda u skladu sa članom 28 Pravilnika o sadržaju, obliku, uvjetima načinu izdavanja i čuvanja vodnih akata.

Dana 03.10.2022 godine, nakon više puta produžavanja roka za dostavu, dostavljen je Glavni projekat prikupljanja, tretmana i ispuštanja tehnoloških otpadnih voda iz klaonice zanatskog tipa Kobilja Glava, Vogošća investitora MUJANOVIĆI d.o.o. Vogošća, urađen od strane ovlaštenog pravnog lica "ES HYDROTECHNICS" d.o.o. Sarajevo, septembar 2022 godine, koji predstavlja podlogu za izdavanje pomenutog rješenja. Tražena saglasnost nije dostavljena.

Uvidom u navedeni Projekat utvrđeno da isti je potrebno dopuniti te su u aktu broj: UP-1/21-3-40-297-9/22 od 07.10.2022. godine nedostaci projekta.

Dana 18.10.2022 godine dostavljena je Potvrda o izgrađenoj lokalnoj kanalizacionoj mreži broj: 07-19-5816/22 od 14.10.2022 godine izdata od strane Službe za komunalne poslove, Općina Vogošća a koja nije u skladu sa članom 28. Pravilnika o sadržaju, obliku, uvjetima načinu izdavanja i čuvanja vodnih akata a Glavni projekat dostavljen je 14.11.2022 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-297-13/22 od 21.11.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Objekti klaonice krupne i sitne stoke i primarne obrade mesa „MUJANOVIĆI“ d.o.o. su izgrađeni u naselju Kobilja Glava, općina Vogošća, na zemljištu označenom kao k.č. broj 724/12 K.O. Koševo (stari premjer), što odgovara k.č. broj 716/2 K.O. Kobilja Glava (novi premjer), općina Vogošća, Sarajevo.

Na predmetnoj lokaciji nalaze se sljedeći sadržaji: prostorija za klanje, prostorija za odmaranje mesa, prostorija za rasjecanje mesa, prostorija za primarnu preradu mesa, hladnjača, sušara, prostorija za odlaganje koža, sanitarni čvor, prostorija za veterinarskog inspektora.

Vodosnabdijevanje predmetnih objekata se vrši putem priključka izvedenog na javni vodovodni sistem.

Tehnološke otpadne vode poslovno-proizvodnog objekata-klaonice i prerade mesa nastaju spiranjem površina unutar objekta klaonice, pranjem opreme koja se koristi u postupku klanja i prerade mesa. Ove vode se prikupljaju putem slivnika i odvode u trokomornu betonsku septičku jamu, čiji preliv se odvodi do priključka izvedenog na lokalni kanalizacioni kolektor.

Projektovani kapacitet klaonice je 3 t/dan krupne stoke, 1 t/dan teladi, 500 kg ovaca i 300 kg janjadi, odnosno ukupno 4.8 t/dan. Trenutni kapacitet prerade je 2 grla krupne i 2 grla sitne stoke dnevno.

Kože se skladište u betonsko korito do momenta preuzimanja od strane kupca.

Otpad od klanja, papci, rogovi, kosti, iznutrice i drugi otpad, se prikupljaju u kontejner i redovno odvoze, od strane ovlaštene firme.

Podnosilac zahtjeva posjeduje farmu na drugoj lokaciji te ne vrši privremeno držanje privremeno držanje stoke na predmetnoj lokaciji tako da ne nastaje osoka i đubrivo.

Krv koja nastaje pri klanju se odvojenim sistemom prikuplja u plastični kontejner. Zbrinjavanje krvi vrši se od strane ovlaštene firme.

U aktu-Potvrda o izgrađenoj lokalnoj kanalizacionoj mreži broj: 07-19-5816/22 od 14.10.2022 godine izdata od strane Službe za komunalne poslove, Općina Vogošća je navedeno da na predmetnoj lokaciji je izgrađena lokalna kanalizaciona mreža te da je objekat Mujanović (Halila) Čamil priključen na istu.

Imajući u vidu navedeno potrebno je da se u Glavnom projektu prikupljanja, tretmana i ispuštanja tehnoloških otpadnih voda kompleksa klaonice zanatskog tipa na lokaciji Kobilja Glava, Vogošća, urađen od strane „ES HYDROTECHNICS“ d.o.o. Sarajevo, septembar 2022 godine, uskladi ispuštanje prečišćenih otpadnih voda sa stanjem na terenu a što je dato kao uslov u tački 3.2. ovog rješenja.

Izvještaji o ispitivanju kvaliteta tehnoloških otpadnih voda sa lokacije klaonice zanatskog tipa na lokaciji Kobilja Glava, Vogošća broj: IV-130-A11/21, urađen od strane „DVOKUT PRO“ d.o.o. Sarajevo, maj 2021. godine, pokazuju da vrijednosti parametara efluenta nisu u skladu sa dozvoljenim vrijednostima propisanim Uredbom.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „MUJANOVIĆI“ d.o.o. Vogošća, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- „MUJANOVIĆI“ d.o.o. Vogošća, Novi rezervoar 24, Vogošća (Prilog-tehnička dokumentacija pod tačkom B. obrazloženja ovog Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo